


Kev Ua Kom Muaj Cua Huv Siab Nyob Ntawm Cov Chaw Nyob Hauv Tsev Los Mus Txo Txoj Kev Uas Ntxim Yuav Kis Tau Cov Kab Mob Cuam Tshuam Rau Kev Ua Pa

Lub Cuaj Hli, Tim 28, 2023

Kev muaj cua huv siab nyob ntawm cov chaw nyob hauv tsev yeej yog ib yam tseem ceeb nyob hauv txoj kis tau cov kab viruses uas ya nrog cua; neeg yeej siv tau cov tswv yim nyob hauv qab no coj los pab ua kom muaj cua huv siab nyob ntawm cov chaw nyob hauv tsev. Kev ua kom muaj cua huv siab nyob ntawm cov chaw nyob hauv tsev los kuj tseem tsim tau ib lub chaw uas neeg yuav ntsib kev noj qab nyob zoo vim nws yuav pab txwv kom cov neeg tsis txhob mus nyob tau ze cov [tshuaj ntxim uas yuav tsim tau tej yam teeb meem tsis zoo rau lub cev](#) thiab [cov pa ncho thaum muaj hav zoov kub hnyiab](#) (PDF).


Qhov dav, nyob nraum zoov thaum huab cua yeej tsis tsim teeb meem dab tsi rau lub cev, yeej muaj kev nyab xeeb tshaj li nyob hauv tsev thaum nws ntxim yuav muaj kev kis tau kab viruses cuam tshuam rau kev ua pa ntau dua. Nyob hauv chaw nyob hauv tsev uas tsis muaj cua hliv tau mus los zoo, cov khoom ntawm kab virus uas ib tus tso tawm thaum nws ua pa yeej ya tau nrog cua thiab yeej muaj ntau zuj zus ntxiv nyob hauv cov cua uas neeg ntxim yuav nqus tau mus rau hauv lawv lub cev thiab ntxim yuav muaj mob. Ib lub chaw uas muaj cua hliv tau mus los zoo yeej pab txo tau

kom tsis txhob muaj kab virus ntau nyob ntawm cov cua thiab yeej txo tau kom neeg tsis txhob kis tau tus kab mob. Pej xeeb California yeej ua tau kom muaj cua huv siab ntau nyob ntawm cov chaw nyob hauv tsev yog lawv **qhib qhov rooj thiab qhov rais, siv kiv cua kom nqus tau cov cua tshiab los rau hauv tsev, siv cov tshuab lim cua, tshuab cua, thiab tshuab cua txias (los sis HVAC), thiab siv cov tshuab lim cua nqa tau.**




Qhib Qhov Rooj thiab Qhov Rais, Siv Kiv Cua Coj Los Ua Kom Muaj Cov Cua Tshiab Nkag Los Rau Ntawm Cov Chaw Nyob Hauv Tsev

Qhib qhov rais thiab qhov rooj kom ntau li ntau tau yog thaum twg tsis muaj huab cua phem thiab yeej muaj kev nyab xeeb. Siv cov kiv cua uas nqa tau los mus ua kom muaj cua nkag tau ntau los ntawm cov qhov rais uas twb muab qhib lawm. Muab cov kiv cua tso ze los sis tso rau tig rau nraum zoov rau ntawm lub qhov rais uas twb muab qhib lawm, kom muab cov cua nyob hauv chaw tsev nqus tawm mus rau nraum zoov. Cov tshuab nqus cua los kuj yuav pab nqus tau cov cua tshiab ntawm lwm cov qhov rais thiab qhov rooj uas twb muab qhib lawm los rau hauv chaw tsev kom muaj cua hliv tau mus los. Thaum siv kiv cua, muab cov kiv cua tso kom tsis txhob tshuab pa ntawm ib tus neeg mus rau lwm tus neeg (vim qhov no yeej ua tau kom muaj kev kis tau tus kab virus). Tej zaum cov kiv cua nyob saum qab ru tsev yuav pab muab cov cua coj los sib tov, yog tias nws yeej muaj cov cua nraum zoov nkag los.




Siv los sis Kho Nej Lub Tshuab Cua Sov, Cua Txias, thiab Nqus Cua (los sis HVAC) Kom Khiav Zoo

Yog koj nyob ntawm ib lub chaw uas muaj ib lub tshuab cua sov, tshuab lim cua, thiab tshuab cua txias (los sis HVAC), tsis txhob muab lub tshuab tua, cia lub tshuab khiav tas mus li thaum muaj neeg nyob hauv lub chaw ntawd, yog hais tias ua tau. Koj yuav tau muab lub tshuab tso zoo li no yog koj muab tus kiv cua tso rau qhov hais tias “ON” los mus tswj qhov qhib thiab tua es tsis txhob muab tso rau qhov hais tias “AUTO.” Qhov no yuav ua rau tus kiv cua ntawm lub tshuab nqus tau cov cua nyob nraum zoov los rau hauv lub chaw ntawd tsis tseg. Koj lub tshuab HVAC pab tau ob yam: nws nqus tau cov cua tshiab nraum zoov los rau hauv lub chaw ntawd, thiab nws kuj tseem muab cov cua nyob hauv lub chaw ntawd kiv nkag mus dhau ntawm cov ntxaij lim cua los mus muab tej khoom me me uas ya nrog cov cua tshem tawm. Nco ntsoov siv cov ntxaij lim cua uas yog cov zoo; MERV 13 los sis cov zoo tshaj ntawd yog cov uas zoo tshaj yog hais tias koj lub tshuab yeej siv tau. Nco ntsoov tu koj lub tshuab lim cua raws sij hawm thiab muab cov ntxaij lim cua pauv raws li qhov pom zoo kom pauv. Rau cov chaw hauj lwm, nug thiab hais rau cov neeg tu lub chaw hauj lwm thiab/los sis cov neeg paub kho tshuab lim cua kom lawv pab nrog kho cov ntawm no.



Yuav Cov Tshuab Lim Cua Uas Nqa Tau Zoo Li Qhov Yuav Tsum Tau Siv

Siv cov tshuab lim cua uas nqa tau (PACs) zoo li qhov yuav tsum tau siv coj los pab thaum qhib qhov rais thiab qhov rooj thiab thaum koj lub tshuab lim cua yeej khiav tsis tau zoo tshaj ntawd ntxiv lawm. Siv cov tshuab uas yeej muab cov cua nqus mus dhau ntawm cov txaij lim cua HEPA uas yog cov zoo. Cov ntxaij lim cua HEPA yog cov uas yuav lim cov khoom muaj kab mob tawm ntawm cov cua. Tsis txhob yuav cov tshuab uas hais tias muaj ionizer, ozone, los sis lwm cov kev lim cua uas yuav tso tshuaj ntxiv mus rau tej huab cua. Xaiv ib lub tshuab uas yuav haum rau qhov loj thiab dav ntawm koj lub chaw (1). Tej zaum koj yuav tau siv ntau tshaj ib lub tshuab yog koj nyob ntawm ib lub chaw uas dav. Muab koj lub tshuab PAC tso rau hauv nruab nrab ntawm koj lub chaw rau ntawm qhov chaw uas neeg yuav tsis dawm. Tsis txhob muab cov tshuab lim cua coj mus tso rau ntawm cov ceg kaum tsev hauv cov chav tsev uas tsis siv los sis muab tso rau hauv qab cov rooj noj mov, vim cov tshuab yuav lim tsis tau cua zoo thaum nyob ntawm cov chaw ntawm no.



Muab Cov Lus Ntawm No Qhov Twg Los

1. Ua raws nraim li cov lus tswj ntawm Kev Ua Tau Kom Muaj Cua Huv Siab (Clean Air Delivery Rate (CADR) “2/3”): Cov tshuab PACs yuav tsum ua tau kom muaj cua huv siab tsawg kawg los yog li ntawm 2/3 CADR rau ntawm qhov dav hauv chav tsev.